

Ա. քսոր եղև Եպիսկոպոսի : Գերիւ նաւուն ուխտաւորաց և Յովնանէս վարդապետի : Զայրութ աւիրայից : Հրովարտակ Արքայի վանն կաթողիկէ Հայոց , ժողով 'ի Մայր Եկեղեցին , ընտրութիւնն նոր խորհրդականաց Երուսաղէմի : Խմբագրութիւնն կանոնական բանից :

Ի ՀԱՍՍՆԻՒ Հրովարտակի Արքային յերուսաղէմ , Գաբրիէլ Պատրիարք առաքեաց զԵղիա Եպիսկոպոս ընդ Պսլուցի Յակոբ վարդապետի 'ի Կեսարիա , Եղիա յաքսոր , և Յակոբ 'ի Նուիրակ , յանձն արարեալ նմա զհրովարտակն պատուիրելով առանձին , 'ի Հասանիւ նոցա 'ի Կեսարիա տալ զայն Ստեփաննոս Եպիսկոպոսի առաջնորդի տեղւոյն 'ի դործադրութիւն : Սոքա նաւեալ Հասին 'ի Տարսոն Կիլիկեցւոց , ուր զԺտեցաւ Եղիա ընդ Յակոբայ , նախատելով զնա բազմադիմի բանիւք՝ և մնաց ինքն անդէն 'ի քաղաքին , և Յակոբ մեկնեալ 'ի Նմանէ գնաց 'ի Կեսարիա , եւ եղիտ զԺողովուրդն 'ի տառապանս յերեսաց հարկապահանջութեան և 'ի սաստիկ սովու՝ յորմէ մեռանէին բազումք , եւ Բղեշիս երկրին ցատուցեալ ընդ Աւետիս եպիսկոպոսի վանահօր վանաց Ս . Կարապետի՝ կամէր կործանել զնոր շինուածս վանաց , և գլխաւորք ազգին մոռացեալ զնեղութիւնս իւրեանց , ետուն նմա 25,000 դահեկան տուգանս և գերծան 'ի ձեռաց նորա : Տիւղեան Կարապետ , Յակոբ և Պօղոս չլեւպիք , որք աքսորեալ էին 'ի վանս Ս . Կարապետին , տեսեալ զՅակոբ վարդապետ մխիթարեցան , եւ հարցանէին զվիճակէ Աթոռոյն , զողջունէ Պատրիարքին և զմիաբանութեան , և խոստացան առնել բարիս զինի ազատութեան իւրեանց , (1821 . 'ի Նոյեմբերի) : Իսկ Եղիա Եպիսկոպոս նստեալ 'ի Տարսոն քաղաքի գրեաց բազում անգամ 'ի Կոստանդինուպօլիս առ Պօղոս Պատրիարք , եւ թախանձանօք աղաչէր զնա ազատել զինքն յաքսորանաց , խոստանայր հրաժարիլ 'ի միաբանութենէ Աթոռոյն , եւ խնդրէր վիճակ առաջնորդական , և Պօղոս գրեաց առ նա գալ 'ի Կոստանդինուպօլիս , և նորա ընկերացեալ ընդ Գրիգոր Գալֆայի , այն ինչ ազատելոյ յաքսորանաց , գնացին